

大慧普覺禪師住江西雲門菴語錄卷第七

徑山能仁禪院住持嗣法慧日禪師臣惠聞上進

結夏示衆有句無句如藤倚樹孟入郎漢便  
恁麼去機不到語不副眼裏著得百千萬億  
須彌山耳裏著得無量無邊香水海機副語  
語投機眼裏著沙不得耳裏著水不得有般  
漢聞恁麼道便道見月休觀指歸家罷問程  
不知垂萬里鈞駐千里烏駢布漫天網打衝  
浪鯢鯨若是蝦蟆蚯跛鼈盲龜徒勞上鉤  
徒勞入網須是恁麼人方知恁麼事所以道

殺人自有殺人刀活人自有活人劍有殺人  
刀無活人劍一切死人活不得有活人劍無  
殺人刀一切活人死不得死得活人活得死  
人便能刮龜毛於鐵牛背上截兔角於石女  
腰邊不作奇特商量不作玄妙解會何須九  
旬禁足三月護生謹守蠟人無繩自縛須知  
卷七  
盡十方徧法界無有如針鋒許不是各各當  
人安居之處便恁麼去更有事在敢問諸人  
只如不死不活底人出來且作麼生殺作麼  
生活若殺不得活不得佛法無靈驗直饒殺

得活得也未是作家於衲僧分上了無交涉  
且道衲僧有甚麼長處良久云雖有一雙窮  
相手未曾祇揖等閑人喝一喝

示衆恁麼恁麼針劄不入不恁麼不恁麼題  
挑不上恁麼中不恁麼鬼面神頭不恁麼中  
却恁麼披毛戴角阿呵呵且道笑箇甚麼我  
笑昔日雲門大師有時云聞聲悟道見色明  
心觀世音菩薩將錢買餌餅放下手云元來  
只是饅頭乃喝一喝云人無遠慮必有近憂  
示衆舉雲門一日拈拄杖云凡夫實謂之有

二乘析謂之無緣覺謂之幻有菩薩當體即  
空衲僧見拄杖但喚作拄杖行但行坐但坐  
總不得動著師云我不似雲門老人將虛空  
剝蜜寵幕拈拄杖云拄杖子不屬有不屬無  
不屬幻不屬空卓一下云凡夫二乘緣覺菩  
薩盡向這裏各隨根性悉得受用唯於衲僧  
找七  
分上爲害爲寃要行不得行要坐不得坐進  
一步則被拄杖子迷却路頭退一步則被拄  
杖子穿却鼻孔只今莫有不甘底麼試出來  
與拄杖子相見如無來年更有新條在惱亂

春風卒未休

示衆過去諸如來斯門已成就拈拄杖左邊  
卓一下云且拈向左邊現在諸菩薩今各入  
圓明右邊卓一下云且拈向右邊未來修學  
人當依如是法中間卓一下云且拈向中間  
二邊渾莫立中道不須安一切智智清淨無  
二邊渾莫立中道不須安一切智智清淨無

一下云有利無利不離行市

示衆自從胡亂後三十年不少鹽醬頂門具  
眼衲僧到此如何趣向然冤有頭債有主雲  
門今日和泥合水向灸瘡癩上更著艾炷要  
與馬師相見遂以拂子面前畫一畫云還見

說七

三

麼拆東籬補西壁眼見則親手攬不及釋迦  
彌勒換手推曾文殊普賢連聲吽屈喝一喝  
云馬面夜叉繞稽首牛頭獄卒便擎拳

示衆永嘉道非非是不是差之毫釐失千  
里是則龍女頓成佛非則善星生陷墜永嘉

親見六祖來要且只在是非裏雲門即不然

非不非是不是仰面看天低頭觀地惺惺時  
直是惺惺瞌睡時一向瞌睡也無佛法可商  
量亦無塵勞可回避有時睡裏驚覺來元是  
猫兒捉老鼠

定當看

示衆古人道佗人住處我不住佗人行處我  
不行不是與人難共聚大都緇素要分明喝  
一喝云猶有這箇在雲門即不然佗人住處  
我亦住佗人行處我亦行譬如瞋無理會  
新羅夜半日頭明且道與古人相去多少試

示衆心不是佛智不是道南泉老人和身放  
倒至今數百年來其間無數善知識出世未  
曾有一人爲佗扶起雲門今日擬將燈心拄  
須彌山試爲扶起看遂拈拄杖云南泉放倒  
雲門扶起放倒扶起有賓有主明眼衲僧商  
量切忌別作道理旣許商量爲甚麼不許作  
道理良久云相罵饒汝接觜相唾饒汝潑水  
卓一下

示衆諸法本來絕待觸目且無拘礙只因斷

臂覓心便有人求懺罪無文印子既成付法

傳衣廝賴致令盧老黃梅墜石腰間春碓將

謂有法與人問著却言不會引得後代兒孫

盡作韓盧逐塊雖欲扶豎宗乘奈何東倒西

儻子細檢點將來直是令人巨耐若也盡令

而行一擊須教粉碎有時靜坐思量就中也

有可愛且道有甚麼可愛深沙共脩羅結親

金剛與土地揩背喝一喝

示衆拈拄杖卓一下云細不通風大通車馬

突出當陽孰辨真假虛空有欄柄無手人能

把跋驥踢倒摘茶輪草菴卸下琉璃瓦又卓  
一下

解夏示衆洞山萬里一條鐵澇陽一擊百雜  
碎雲門關字常現前翠巖眉毛在不在乃舉  
拂子云雲門大師來也還見麼擊禪牀云一

彩兩賽

示衆法法本來法無法無非法何於一法中

有法有不法拈起拄杖云這箇是拄杖子那

箇是本來法又云這箇是本來法那箇是拄  
杖子只今莫有斷得出底麼若斷得出非唯

自有出身之路亦乃不受人謾若斷不出雲  
門饒舌去也開口即失閉口即喪如是如是  
遂卓一下云一椎兩當復舉起云看看寒山  
說七  
拾得掃地倒轉苕帚柄把露柱一撼勃跳上  
兜率陀天觸破非非想天人鼻孔毗盧遮那  
如來忍痛不禁走入雲門拄杖子裏藏身雲  
門一衆呵呵大笑云料掉沒交涉正當恁麼  
時露柱與燈籠畫眉又增得多少光彩良久  
云有意氣時添意氣不風流處也風流  
示衆豁開正眼千聖固測其由一句全提萬

別千差路絕識不可識智莫能知非聖非凡  
非心非法全體恁麼來全體如是住不見毗  
耶示疾文殊問言居士所疾為何等相維摩  
詰曰我病無形不可見又問此病身合耶心  
合耶曰非身合身相離故亦非心合心如幻  
故師云身相既離心亦如幻誰是示疾者誰  
是問疾者還證明得麼若證明得則諸人身  
病心病俱銷佛病法病齊遣便能回三毒為  
三聚淨戒回六識為六神通回煩惱為菩提  
回無明為大智便恁麼去猶是止啼之說未

爲究竟且究竟一句作麼生道良久云幻人

心識本來無罪福皆空無所住喝一喝

示衆或是或非人不識逆行順行天莫測隔  
山人唱鷓鴣詞錯認胡笳十八拍遂舉拂子  
云這箇只是犛牛尾拂子不得作是非逆順  
商量作麼生識作麼生測良久云無人過價  
打與三百擊禪牀一下

示衆入水不避蛟龍漁父之勇也陸行不避  
虎兕獵夫之勇也白刃臨前視死若生者將  
軍之勇也作麼生是衲僧之勇良久云大膽

駕頭衝突過小膽哀鳴告所由喝一喝

示衆有一人一生爲善有一人一生造惡爲  
善者一旦犯不與取戒造惡者一念了悟自  
心善人犯不與取戒即名爲賊惡人了悟自  
心即名爲佛二人同到雲門著那一人即是

第六

著善人而却惡人則是著賊而却佛著惡人  
而却善人則是怕惡而欺善若二人俱著則  
佛賊不分若二人俱不著則善惡不明若決  
定指佛是惡人則招謗佛之愆入地獄如箭  
射若指賊是善人未有善人而做賊者當人

未具智眼在到這裏還有斷得者麼若斷不

得雲門爲諸人斷却賊是善人爲佛是惡人  
做佛賊善惡人不出這兩箇還會麼慕拈拄

杖面前畫一畫云建昌紙貴一狀領過

示衆荆棘林中善卷舒更於驪領探神珠南

山鼈鼻活拈得乘興猶來捋虎鬚如斯標致  
未是作家若到雲門不勞拈出直須入林不  
動草入水不動波坐籌帷幄之中決勝千里  
之外方有少分相應正當恁麼時不傷物義  
一句作麼生道良久云但將飯向無心盜自

有人提折腳鑄

示衆拈拄杖云休誇捧下無生忍撥置當陽  
掣電機未局<sub>二</sub>前驕提得遂卓一下云一擊

自然亡所知喝一喝

示衆纔添脣吻便落言詮不落言詮即沉寂

說七

七

默沉寂默則成詬滯言詮則成謗不語不謗  
不默不誑須知向上別有一路子明眼底知  
得只是難近傍遂拈拄杖云拄杖子却近傍  
知有底近傍不得正恁麼時那箇在前那箇

在後只今衆中莫有不受人謾底麼試出來  
定當看良久云若不藍田射石虎幾乎誤殺  
李將軍卓一下

示衆多時不說禪口邊生白醭大衆苦相煎  
便登曲彙木匪論五家宗不引傳燈錄纔開  
兩片皮業因招薄福釋迦乾屎橛達磨老臭  
禿一人曲說直一人直說曲彼此大丈夫肯  
受你沸尿罵佛謗祖師定入拔舌獄佛祖生  
冤家魔王真眷屬心地黑漫漫口裏水澆澆  
似恁出家兒定滅眼瞿曇族臘月三十朝大笑

却成哭召大衆云還識雲門村叟麼曾聞一  
飽忘百饑今日山僧身便是喝一喝

示衆舉僧問香嚴如何是道嚴云枯木裏龍

吟僧云如何是道中人嚴云髑髏裏眼睛僧  
又問石霜如何是枯木裏龍吟霜云猶帶毒

在如何是髑髏裏眼睛霜云猶帶識在又問  
曹山如何是枯木裏龍吟山云血脉不斷如  
何是髑髏裏眼睛山云乾不盡遂有頌云枯  
木龍吟真見道髑髏無識眼初明喜識盡時  
消息盡當人那辯濁中清園悟老人云一人

透語滲漏一人透情滲漏一人透見滲漏說七師云諸人還揀得出麼若揀不出不惜眉毛爲諸人說破香巖透語滲漏被語言縛殺石霜透情滲漏被情識使殺曹山透見滲漏被見聞覺知惑殺分明說了具眼者辯取

示衆舉提婆達多在地獄中世尊令阿難傳問云汝在地獄中可忍受否云我雖在地獄中如三禪天樂世尊又令阿難傳問你還求出否云待世尊入地獄我即出阿難云世尊是三界大師豈有入地獄分云世尊旣無入

地獄分我豈有出地獄分師云旣無出分又無入分喚甚麼作釋迦老子喚甚麼作提婆達多喚甚麼作地獄還委悉麼自攜鋤去沽村酒却著衫來作主人

示衆舉招慶問羅山有人問巖頭塵中如何辯主頭云銅沙羅裏滿盛油意作麼生山召大師慶應諾山云獮猴入道場山却問明招或有人問你作麼生招云箭穿紅日影師云還會麻獮猴入道場箭穿紅日影師云錐擔雪共填井喝一喝

示衆舉招慶普請擔泥次中路按拄杖問僧  
云上窯泥下窯泥僧云上窯泥慶打一棒又  
問一僧上窯泥下窯泥僧云下窯泥慶亦打  
一棒又問明招招放下泥擔又手云請師鑑說七  
招慶便休師云招慶雖然休去爭奈明招不  
甘雲門當時若見佗放下泥擔云請師鑑劈

脊也與一棒看佗如何折合

舉喫茶話睦州乃云慚愧却問僧趙州意作  
麼生僧云只是一期方便睦州云苦哉趙州  
被你將一杓屎潑了也便打後來雪竇云這  
僧克由巨耐將一杓屎潑佗二貞古佛師云  
雪竇只知一杓屎潑佗趙睦二州殊不知這  
僧末上被趙州將一杓屎潑了却到睦州又  
遭一杓只是不知氣息若知氣息甚麼處有

示衆舉睦州問僧近離甚處僧云河北州云

河北有箇趙州和尚上座曾到彼廬僧云某  
甲近離彼中州云趙州有何言句示徒僧遂

二貞古佛

示衆舉僧問雲門如何是超佛越祖之談門  
云餽餅師云雲門直是好一枚餽餅要且無

超佛越祖底道理

示衆舉洞山云須知有佛向上事僧問如何  
是佛向上事山云非佛雲門云名不得狀不  
得所以言非師云二尊宿恁麼提持佛向上  
事且緩緩這裏即不然如何是佛向上事拽

拄杖劈脊便打免教伊在佛向上探根

示衆舉石門聰和尚云十五日已前諸佛生  
十五日已後諸佛滅十五日已前諸佛生你  
不得離我這裏若離我這裏我有鉤鉤你十  
五日已後諸佛滅你不得住我這裏若住我

這裏我有錐錐你且道正當十五日用鉤即  
是用錐即是遂有頌云正當十五日鉤錐一  
時息更擬問如何回頭日又出師云恢張三  
玄三要扶豎臨濟正宗須是恁麼人始得雖  
然如是雲門即不然十五日已前諸佛本不  
說上

曾生十五日已後諸佛本不曾滅十五日已  
前你若離我這裏我也不用鉤鉤你一任橫  
擔拄杖緊峭草鞭十五日已後你若住我這  
裏我也不用錐錐你一任拗折拄杖高掛鉢  
囊且道正當十五日合作麼生乃云十五日

前後鉤錐徒爾爲今朝是十五正好用鉤錐  
且作麼生用路逢死蛇莫打殺無底藍子盛  
將歸

示衆舉白雲祥和尚問僧不壞假名而談實  
相作麼生僧云這箇是椅子白雲以手撥云  
將鞞袋來僧無對白雲云這虛頭漢雲門聞  
云須是祥兄始得師云雲門扶彊不扶弱爭  
奈憐兒不覺醜這僧當時若是箇漢待佗道  
將鞞袋來便與掀倒禪牀直饒白雲牙如劍  
樹口似血盆也分疎不下

示衆舉石頭問長髮甚處來髮云嶺南來頭  
云大庾嶺頭一鋪功德成就也未髮云成就  
久矣只欠點眼在頭云莫要點眼麼髮云便  
請頭垂下一只髮便禮拜頭云子見箇甚麼  
便禮拜髮說七云如紅鑪上一點雪師云衆中商  
量甚多或云無眼功德有甚點處或云莫要  
點眼麼待佗道便請好劈脊便打若恁麼未  
免穢汗這功德雲門即不然待這老漢垂下  
一足但道起動和尚

示衆舉王大王向雪峯會裏請晏監寺住鼓

山雪峯與孚上座送出門回至法堂上乃曰一隻聖箭直射入九重城裏去也孚云和尚是伊未在峯曰渠是徹底人孚云若不信待某甲去勘過遂往路中把住云师兄向甚麼處去鼓山云九重城裏去孚云忽遇三軍圍閉時如何山云佗家自有通霄路孚云恁麼則離宮失殿去也山云何處不稱尊孚便回謂雪峯曰好一隻聖箭折却也遂舉前話峯云渠語在孚云這老凍臘畢竟有鄉情在師云衆中商量道甚麼處是聖箭折處云鼓山

不合答佗話是聖箭折處鼓山不合說道理是聖箭折處恁麼批判非唯不識鼓山亦乃不識孚老殊不知孚上座正是一枚賊漢於鼓山面前納一場敗關慘懾而歸却來雪峯處拔本大似屋裏販揚州若非雪峯有大人相這賊向甚處容身當時可惜放過却成了底公案只今莫有爲古人出氣底麼試出來我要問你甚麼處是聖箭折處示衆舉明招向次僧忽問目前無法意在目前不是目前法非耳目之所到未審此四

句那句是賓那句是主明招撥開火云你向

這裏與我拈出一莖眉毛看僧云非但某甲  
盡大地人喪身失命招云何故自把髻投衙  
師云這僧有頭無尾明招有尾無頭若人道  
得頭尾圓全句雲門與你拄杖子

說七

十二

示衆舉南泉坐次一僧問訊叉手而立泉云

太俗生僧合掌泉云太僧生僧無語師云合  
掌太僧生叉手又俗氣總不恁麼時尊體無  
頰處無頰處有巴鼻唵蘇嚕蘇嚕悉唎悉唎  
喝一喝云是甚麼近來王令稍嚴不許攜行

奪市

示衆三十年來弄馬騎今朝却被驢兒擗就  
地拾得麗水金拈起却是新羅鐵報諸人別  
不別夜來雪壓雲門凍得烏龜成鼈

除夜示衆今夜喚明朝作來年明朝喚今夜

作去歲既稱來年今夜合來既號去歲明朝  
合去來年今夜不見來去歲明朝定不去既  
不來又不去業識茫茫無本據大圓鏡裏絕  
纖塵箇中豈著閑家具是則是別又別爍迦  
晃破秋天月龐公不昧本來身大似飛龍成

跛鼈你諸人暫不暫靈利漢須看時節五九  
盡處又逢春納僧腦後三斤鐵喝一喝

示衆夜來兔子趕大蟲天明走入無何有月

下珊瑚長數枝萬象森羅齊稽首驀拈拄杖

說七

十三

云拄杖子不唧溜渠儂却善分妍醜李公爛

醉絕倒時元是張公喫村酒報諸人急回首  
切忌癡狂外邊走

示衆舉麻谷持錫到章敬遶禪牀三匝振錫  
一下卓然而立師云純鋼打就生鐵鑄成敬  
云是是師云錦上鋪華三五重谷又持錫到

南泉遶禪牀三匝振錫一下卓然而立師云  
已納敗闕了也泉云是不是師云枷上更  
著杻谷云章敬道是和尚爲甚麼道不是師  
云愁人莫向愁人說泉云章敬則是是汝不  
是此是風力所轉終成敗壞師云試把火照  
看南泉面皮厚多少復召大衆云雲門恁麼  
批判且道肯作不肯作

示衆舉南嶽和尚遣僧問馬祖云作麼生祖  
云自從胡亂後三十年不曾少睡醫師云雲  
門即不然夜夢不祥書門大吉

示衆俊鷄不打籬邊兔猛虎終不食伏肉毛

頭星現北斗前把斷天關并地軸

示衆舉僧問雲峯如何是心地法門峯云不

從人得僧云不從人得時如何峯云此去衡  
陽不遠師云雲門即不然如何是心地法門

不從人得不從人得時如何看脚下

說七

十四

### 音釋

杵	先擊勿	籠	力董切	礪	蘇朗切	礪	盤柱硬也	獮	落胡
獮	俊也	僵	力僵切	遂	色窄切	擎	莫交切	長	普切
犬	也	僵	力僵切	撼	窄	擎	莫交切	醜	蒲切
屎	冬毒	滲	所禁切	懨	窄忙果也	懨	忙果也	醜	蒲切
楚	術	滲	所禁切	懨	窄忙果也	懨	忙果也	來	蒲切
趕	古旱	唧	澆也	懨	窄忙果也	懨	忙果也	來	蒲切
切	切	唧	澆也	懨	窄忙果也	懨	忙果也	來	蒲切
嚙	古旱	嚙	唧資悉切	懨	窄忙果也	懨	忙果也	來	蒲切
嚙	切	嚙	唧資悉切	懨	窄忙果也	懨	忙果也	來	蒲切
攏				懨	窄忙果也	懨	忙果也	來	蒲切

### 大慧普覺禪師住江西雲門菴語錄卷第七

永樂北藏

大慧普覺禪師語錄

第一五六冊